

## Evening Dogri (NSD) Bulletin 16-05-2024

### आकाशवाणी

खास खबरां .....

- 1 लोकसभा चुनावें दे 5में गेड़ लेई चुनावें प्रचार जारे—शोरें कन्नै चला'रदा ते शीर्ष नेता इक दे बाद इक रैलियां करा'रदे न।
- 2 बीजेपी दे वरिष्ठ नेता ते गृहमंत्री अमित शाह होरें आखेआ जे 500 ब'रे दे बाद अयोध्या च राम मंदर दे कन्नै—कन्नै सरकार दी मजबूत इच्छेआ शक्ति दा पता लगदा ऐ।
- 3 सरकार नै 6 फारमुलें ते आम तौरा पर इस्तेमाल होने आलियं 41 दुआइयं दी कीमतें गी घटाई दित्ता ऐ।
- 4 राष्ट्रीय जांच अजेंसी नै पाबंदी आले पाकिस्तान अधारित जैशे महोम्मद आतंकवादी संगठन दे सीरे दे आतंकवादी दियं 7एं अचल संपत्तियं गी कुर्क कीता ऐ।
- 5 सुप्रीम कोर्ट नै आखेआ जेकर विशेष अदालत नै इक बारी ईडी दी शकैत दा संज्ञान लैता ऐ तां निदेशालय कुसै आरोपी गी गिरफ्तार नेई करी सकदी।

<><><><><><>

### PM

उत्तर प्रदेश च अगले गेड़ दे चुनावें तांई बक्ख—बक्ख सियासी दलें दे स्टार प्रचारक वोटरें गी अपनी बक्खी खिच्चने दा पूरा दम खमल । करदे न। प्रधानमंत्री ते बीजेपी दे वरिष्ठ नेता नरेन्द्र मोदी होरें अज्ज उत्तर प्रदेश दे जौनपुर च इक चुनावी रैली गी संबोधत करदे होई आखेआ जे सीएए मोदी दी गारंटी दी मिसाल ऐ। उनें गलाया जे बीजेपी जेहड़े बी वादे करदी ऐ, उनेंगी पूरा बी करदी ऐ। श्री मोदी होरें आखेआ जे पैहले विकास दिल्ली ते मुंबई जनेह शैहरें तगर गै सीमित

हा पर हुन अयोध्या ते काशी जनेइएं धार्मिक थाहरें पर बी मता विकास होआ ऐ। एहदे कोला पैहले जिला आजमगढ़ दे तालगंज इलाके च इक सियासी रैली गी संबोधत करदे होई श्री मोदी होरें आखेआ जे समाजवादी पार्टी ते कांग्रेस इक गै न, दौनें झूठ बोलदियां न ते परिवारवाद ते भ्रष्टाचार च रूज्झी दियां न। उनें कांग्रेस उप्पर हमला करदे होई उनें आखेआ जे पार्टी दे साबका अध्यक्ष होर राम मंदर पर नाकारत्मक टिप्पणियां करदे न। बदोरी रैली च उनें आखेआ जे श्रीनगर च हाल च खरी मती गिनतरी च मतदान घाटी च लोकें दी खुशी गी दर्शादी ऐ ते हुन जम्मू कश्मीर च वोट बैंक दी सियासत खत्म होन जा'रदी ऐ। जिला प्रतापगढ़ च अपनी खीरी रैली च श्री मोदी होरें समाजवादी पार्टी ते राज्य च तृणमूल कांग्रेस भ्याल उप्पर जबानी हमला कीता ते आखेआ जे समाजवादी पार्टी प्रमुख अखिलेश यादव होरें गी ममता बनर्जी होरें गी पुच्छना लोडत्रचदा ऐ जे ओ उत्तर प्रदेश ते बिहार दे लोकें गी बाहरले लोक आखदियां न। री मोदी होरें अज्ज रातीं लखनऊ च राज्यपाल भवन च रौहगन ते कल 3 होरनी रैलिएं बाराबंकी, फतेहपुर ते हमीरपुर हल्के च संबोधत करगंन।

<><><><><><>

## **Bihar-Amit Shah**

बीजेपी दे वरिष्ठ नेता ते गृहमंत्री अमित शाह होरें दोहराया जे 5 सौ ब'रे दे बाद अयोध्या च राम मंदर दे बनने कन्नै सरकार दी मजबूत छच्छेआ शक्ति दा पता लगदा ऐ। बिहार दे सीलामढी च इक सार्वजनिक रैली गी संबोधत करदे होई श्री शाह होरें आखेआ जे नरेन्द्र मोदी होरें अयोध्या च राम मंदर दे बनने ताई लोकें कन्नै कीते दा अपना वायदा पूरा कीता ऐ। उनें दोष लाया जे कांग्रेस म्हेशां गै राम मंदर दे मुद्दे उप्पर बचदी रेइ ऐ। श्री शाह होरें दोष लाया जे कांग्रेस ते आरजेडी नेताएं भगवान राम हुंदी स्थापना समारोह च शामिल नेई होए की जे उनेंगी अपने वोट बैंक दा डर—त्राह हा।

<><><><><><>

## Bihar

बिहार च एनडीए ते महा गडबंधन दे वरिष्ठ नेता ते स्टार प्रचारक राज्य च वोटरें गी अपने पक्ख च करने लेई हर मुमकन जतन करा'रदे न। बीजेपी दे वरिष्ठ नेता ते गृहमंत्री अमित शाह होर जेडी(यू) मेदवार देवांश चन्द्र ठाकुर हुंदे हल्के च सार्वजनिक बैठक करा'रदे न। आरजेडी नै इस सीट लेई साबका सांसद अर्जुन राय होरें गी मेदवार बनाया ऐ। श्री शाह होर मधुबनी पार्लिमानी हल्के च बीजेपी मेदवार दे हक्क च सार्वजनिक बैठकें गी संबोधत करगंन। बीजेपी दे राज्य अध्यक्ष सम्राट चौधरी ते होरने वरिष्ठ नेता एनडीए मेदवारें दे हल्के च चुनां रैलियां करा'रदे न। महा गडबंधन थमां कांग्रेस नेता विकासशील इंसान पार्टी, सीपीआई-एम ते होरने पाट्रियां काराकट, सरन, हाजीपुर, मुजफ्फरपुर ते होरने औंने आले इंदे च चुनां आले इलाके च सार्वजनिक बैठकां ते चुनावी रैलियां करा'रदे न। वरिष्ठ आरजेडी नेता तेजस्वी प्रसाद यादव होर मधुबनी ते बेनीपती, कोयती, मरहोरा ते अमनोर च सार्वजनिक बैठकां लांगन।

<><><><><><>

## ECI Polling Date

चला करदे लोकसभा चुनाएं दे पैहले चार गेडें च 45 करोड़ शा बद्ध लोकें वोट पाने आले अपने हक्कै दा इस्तेमाल कीता ऐ। चुनां आयोग नै अज्ज इक ब्यानै च दस्सेआ जे आम चुनां 2024 दे पैहले 4 गेडें च कुल रलाइयै मतदान 66.95 फीसद रेआ ऐ। आयोग नै गलाया जे मतदान दी उच्ची प्रतिशत भारत दे वोटर पास्सेआ दुनिया ताई इक बेहतर सनेआ ऐ। आयोग नै मतदाताएं अगगै अपील कीती ऐ जे ओह बाकी पेदे गेडें च बी बड़ी बद्ध गिनतरी च वोट पाने ताई अगगै औन। आयोग नै इस कोश्ट च मन्नी परमन्नी दिएं हस्तिएं दे कन्नै गै सार्वजनिक ते निजी संगठनें गी बी शामिल कीता ऐ।

<><><><><><>

## Medicines

सरकार नै मधुमेह, दि लते जिगर सरबन्धी बमारिएं च इस्तेमाल करने आलिएं 6 फारमुलें ते आम तौरा दियां 41 दुआइएं दे भाएं गी घटाई दित्ता ऐ। दुआइएं दे भाएं सरबन्धी राष्ट्रीय प्राधीकरण नै इक बैठक च आम जनता दी पुज्ज च रौहने लेई इनें जरूरी दुआइएं दे भाएं गी घट्ट करने दा फैसला लैता। दुआइ बनाने आलिएं कंपनिएं गी तुरत प्रभाव कन्नै घट्ट भाएं आले इनें निर्देशों गी बक्ख-बक्ख दुआइएं दे डीलरें ते भंडार करने आले तोड़ी पजाने लेई आखेआ गेआ ऐ।

<><><><><><>

## NIA

राष्ट्रीय जांच अजेसी नै पाबंदी आले पाकिस्तान अधारित जैशे मोहम्मद आतंकी संगठन दे सिरे दे आतंकवादी दिएं 7 अचल संपत्तिएं गी कुर्क कीता ऐ। कश्मीर दे पुलवामा जिले दे किसारी गम च आतंकवादी सरताज अहमद दी संपत्ति गी अज्ज कुर्क करी दित्ता। सरताज गी जनवरी 2020 च गिरफ्तार कीता हा ते ओहदे थमां नेकां थेआर, असला बरूद बरामद होआ हा।

<><><><><><>

## BJP-Kejriwal

बीजेपी नै दिल्ली दे मुख्मन्त्री अरविंद केजरीवाल होरें गी उंदी पार्टी दी सांसद स्वाती मालीमाल हुंदे कन्नै मुख्मन्त्री आवास हुंदे गलत व्यवहार गी लेइयै उंदी चुप्पी उप्पर सुआल पुट्टेआ। नमीं दिलली च मीडिया गी जानकारी दिंदे होई पार्टी प्रवक्ता गौरव भाटिया होरें दोष लाया जे श्री केजरीवाल होरें गी इस घटना दा कोई एहसास नेई की जे ओह ते बरोधी INDI गठबंधन नेता महिलाएं दा सम्मान कदे बी नेई करदे न।



## Supreme Court

सुप्रीम कोर्ट नै आखेआ ऐ जे जेकर विशेष अदालत नै इक बारी पवर्तन निदेशालय दी शकैत दा संज्ञान लैता ऐ तां निदेशालय कुसै आरोपी गी गिरफ्तार नेई करी सकदा। अदालतै आखेआ ऐ जे अपराध दा संज्ञान लैते जाने मगरा प्रवर्तन निदेशालय ते ओह्दे अधिकारिणं गी रपे पैसे दे हेर फेर सरबन्धी अधिनियम पीएमएलए दी दफा 19 तैह्त कुसै आरोपी गी गिरफ्तार करने दी इजाजत नेई दिंदा। न्यायमूर्ति अभय एस.ओका ते उज्जल भूयान हुंदी पीठ नै आखेआ ऐ जे जेकर प्रवर्तन निदेशालय आरोपी दी हिरासत चांहदा ऐ तां उसी खास अनुरोध करियै आवेदन करना होग। अदालतै एह् बी आखेआ ऐ जे जेकर प्रवर्तन निदेशालय इक गै अपराध दे बारे च बाद्दू जांच करना चांहदा ऐ तां ओह् ऐसे व्यक्ति गी गिरफ्तार करी सकदा ऐ जिसी पैहले थमां दर्ज शकैत च आरोपी नेई दस्सेआ गेआ ऐ। पर इसदे आस्तै दफा 19 दी शर्ते गी पूरा करना होग।



## IMD

दक्ख-पच्छम मानसून केरल च तकरीबन इस म्हीने दी 31 तरीक तोड़ी पुजने दी मेद ऐ। भारतीय मौसम विभाग नै आखेआ जे दक्खन-पच्छम मानसून भारतीय धरते पर औने कन्नै केरल ते होरने च मानसून लेई गर्म ते खुश्क मौसम थमां बरखें दी रूत दी शुरूआत होग। पिछले ब'रे दक्खन पच्छम मानसून 8 जून गी पुज्जा हा। आकाशवाणी संवाददाता कन्नै गल्ल करदे होई भारतीय मौसम विभाग दे वरिष्ठ साईंसदान आर.के.जेनामानी होरें दस्सेआ जे हलात साजगार न ते मानसून समें उप्पर गै पुज्जोग।



## SMVDSB-Helicopter

घट्ट समें च टकोहदे दर्शनें दी तारंग रखने आलें गी माता वैष्णो देवी दे भक्तें सहूलत आस्तै श्री माता वैष्णो देवी श्राईन बोर्ड पैहले थमां घोषत जम्मू थमां सांझी छत्त हैलीकाप्टर सेवा अगले म्हीने जून थमां शुरू होने दी संभावना ऐ। सूत्रें दस्सेआ जे बोर्ड उनें यात्रुएं तांई जम्मू थमां सांझी छत्त हैलीकाप्टर सेवा शुरू करन जा'रदा ऐ जेहड़े इक्कै दिनै च भवन च मता दे दर्शन करना चांहदे न। जानकारी दित्ती गेइ ऐ जेकर सब किश तैह कार्यक्रम मताबक रेआ ते अगले म्हीने दे पैहले पखवाड़े च हैलीकाप्टर सेवा यात्रुएं लेई उपलब्ध करोआई दित्ती जाग। सहूलत दा लाह ठोआने आले यात्रुएं गी भवन थमां ढाई किलोमीटर दूर पंछी हैलीपैठ पर तोआरेआ जाग ते कन्नै गै इनें तीथ यात्रुएं गी टकोहदे दर्शन बी करोआए जांगन। सूत्रें दस्सेआ श्राईन बोर्ड दऊं किस्मै दे पैकेज उपलब्ध करोआ करदा ऐ सेम डे रिटर्न यानि उस्सै ध्याड़े वापसी यात्रा लेई 35 जहार ते Next Day Return यानि अगले ध्याड़े वापसी तांई 50 जहार फही यात्री साब्बै कराया लैता जाग।



## Infiltration

उत्तरी कश्मीर च कुपवाड़ा जिले दे तंगधार सेक्टर च घुसपैठ दी इक कोश्ट गी नाकाम करदे होई दऊं बे-पंछानू घुसपैठिएं मारे गे। पुलस दे सूत्रें दस्सेआ जे दऊं घुसपैठिएं बन्ना टप्पियै इत्त बक्खी औने दी कोश्ट करा करदे हे। सुरक्षाबलें उनें परतौने दी चेतावनी दित्ती पर ओहू नेई मन्ने, नतीजन होई दी गोलीबारी दरान ओ दवै मारे गे। अधिकारिएं दस्सेआ जे दूई बक्खी दो लोथां पेई दियां दिक्खियां गेइयां न। तोआई थ्होई दी इक टकोहदी सूह पर कारवाई करदे होई भारतीय सेना ते जम्मू कश्मीर पुलस आस्सेआ अज्ज कुपवाड़ा जिले दे अमरोही तंगधार इलाके च सांझा तपाशी अणियान चलाया गेआ। सेना नै सोशल मीडिया पर कीती गेदी इक पोस्ट च दस्सेआ जे अभियान च दऊं पस्तोलां, गोला बरूद ते

जंग च इस्तेमाल होने आला समेयान बरामद कीता गोआ। नजैज थेआरें दी मजूदगी बारे थहोई दी पक्की सूह दी बिनाह पर सुरक्षाबलें सौहगे होइयै इलाके दी तपाशी लैती। बरामद कीते गेदे थेआरें गी जबत करियै अगड़ी जांच शुरू करी दित्ती गई ऐ।

<><><><><><>

## Shah-POJK

बीजेपी दे वरिष्ठ नेता ते केन्द्री गृहमंत्री अमित शाह होरें फही दोहराया ऐ जे पाकिस्तान दे नजैज कब्जे आला जम्मू कश्मीर भारत दा ऐ ते भारत इसी हर कीमत पर वापस लैग। बिहार च सीतामढ़ी च इक रैली गी संबोधत करदे होई शाह होरें कांग्रेस दी अगुवाई आले विपक्ष पर नशाना लांदे होई आखेआ जे विपक्ष पाकिस्तान दे नां ते ओहदे परमाणु शक्ति होने दे नां पर लोकें गी डरा'रदा ऐ। उनें गलाया जे जिसलै दफा 370 हटाई गई ही तां राहुल गांधी होरें आखेआ हा जे एहदे कन्नै खून खराबा होइ सकदा ऐ। 5 ब'रे होई गेदे न पर किश नेईं होआ। पर कांग्रेस दे भ्याल फारुक अब्दुल्ला होरें आक्खदे न जे भारत पाकिस्तान दे नजैज कब्जे आले जम्मू कश्मीर गी वापस नेईं लेई सकदा ऐ की जे पाकिस्तान परमाणु शक्ति ऐ। शाह होरें आखेआ ते ओह माता सीता दी जन्म स्थली परा एह आखना चांहदे न जे भारत ते ओहदे 140 करोड़ लोक कुसै कोला नेईं डरदे। पाकिस्तान दे कब्जे आला जम्मू कश्मीर साढा ऐ। शाह होरें दावा कीता ऐ जे मोदी हुंदी अगुवाई आली सरकार दे कार्यकाल च भारत नेपाल बन्ने पर पूरी चाल्ली सुरक्षा जकीनी बनाई जाग।

<><><><><><>

## Thakur-Sign Language

सूचना ते प्रसारण मंत्री अनुराग सिंह ठाकुर होरें इस ब'रे होने आले टी-20 क्रिकेट विश्व कप दरान भारतीय सांकेतिक भाषा ते आडियो कमेंट्री उपलब्ध

करोआने लेई इंडिया साइनिंग हैंडस प्राइवेट लिमिटेड कन्ने नेके निजी खेल चैनलें दे सैहयोग दी सराहना कीती ऐ। सोशल मीडिया पर कीती गेदी अपनी इक पोस्ट च श्री ठाकुर होरें गलाया जे एह गैह सरकारै दे समावेशिता आले नजरियै दे मताबक ऐ।

<><><><><><>